

際長波潛漚迤延八裔於是乎禹也乃鏹臨崖之阜陸決陂
潢而相波啟龍門之峯嶺壘陵巒而嶄鑿羣山旣畧百川潛
渫決潏澹汙騰波赴勢江河旣導萬穴俱流掎拔五嶽竭涸
九州瀝滴滲淫嘗蔚雲霧涓流決壤莫不來注於廓靈海長
爲委輸其爲廣也其爲怪也宜其爲大也爾其爲狀也則乃
洑湫澌濫浮天無岸沖融沆瀣渺瀰淩漫波如連山乍合乍
散噓翕百川洗滌淮漢襄陵廣斥漻漻浩汗若乃大明撫轡
於金樞之穴翔陽逸駭於扶桑之津影沙礫石蕩颺島濱於
是鼓怒溢浪揚浮更相觸搏飛沫起濤狀如天輪膠戾而激
轉又似地軸挺拔而爭廻岑嶺飛騰而反覆五嶽鼓舞而相